

նորա տալով 30,000 դահեկանս։ Եւ նորա կողեալ զոմանս 'ի գիւղականաց՝ որք մոտեալ էին 'ի քաղաքն հրամանաւ քաղաքապետին՝ և եդ 'ի բանտի և սահանջէր 'ի նոցանէ 1000 քսակս արծաթոյ․ իսկ գիւղականք յարեան 'ի վերայ վանօրէից, թէ 'ի ձէնջ խնդրեմք զկալանաւորս մեր․ Հայք և Յոյնք տուեալ վասն նոցա 115 քսակս և զերծուցին զնոսա։

Բդեշխն խստացաւ 'ի վերայ նոցա՝ սահանջելով 'ի նոցանէ զայլ իրս, և և նոքա առաջի եդին նմա զաղքատութիւնս իւրեանց և զհրովարտակն Արքայի, այլ նորա ոչ մատուցեալ ունին, ասէ՝ եթէ յօժարութեամբ տայք՝ բարի, իսկ եթէ ոչ՝ առնում բռնութեամբ և և խայտառկանօք 'ի լուր ամենեցուն, և դուք գրեցէք առ Թագաւորն և առ որ յուսացեալն էք։ Այսպէս սաշարեալ էին վանականք յամենայն կողմանց 'ի տառապանս յուսարեկ 'ի կենաց, և գումար տոկոսաւոր սպարտուց հասեալ էր 870 քսակ արծաթոյ, թող զհարկապահանջ այլաղդիս և զմեծամեծս քաղաքին։ Գլխաւորք Լատին և Յոյն վանաց ժողովեցան 'ի Պատրիարքարանն Հայոց, միաբանութեամբ խորհիլ և և դարման գտանել տառապանացն, զի կուսակալք Դամասկոսի անիոյթ լեալ զկառավարութենէ և ըզբարեկարգութենէ երկրին, միայն զհետ էին կեդեքել ըզվանօրայս և առնուլ զտարեկան հարկս՝ և զայլ ինչս իբրեւ սահմանեալ, որոյ վասն գրեցին առ իւրաքանչիւր ազգայինս 'ի Կոստանդինուպօլիս և առաքեցին մէն մի վարդապետս՝ Գաբրիէլ և Մեարութանոս 'ի Լատինաց և 'ի Յունաց, և Կեսարացի Մկրտիչ վարդապետ 'ի Հայոց, փոյթ տանել և տալ կարգել զոք յատուկ կուսակալ Երուսաղէմի 'ի բարեկարգութիւն գաւառին և յանդորութիւն վանօրէից և ուխտաւորաց, և խոստացան յերից վանաց հատուցանել, զոր ինչ միանգամ ծախեսցեն 'ի դրունս վասն այսր և այսպիսի որոշմամբ մեկնեցան երեքին վարդապետքն 'ի Կոստանդինուպօլիս (1806․ յ2 Փետրվարի)։

Երուսաղէմի Յոյն Պատրիարքն Անթիմոս, որ յառաջագոյն առ հրովարտակ յԱրքայէ հակառակ իրաւանցն Հայոց, և մինչեւ ցարդ սահէին զայն յերուսաղէմ, 'ի սոյն աւուրս փոխանորդն Նազարէթ ետ արձանադրել զայն 'ի